



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Breviario Concionatorio, Strenæ, Fidelis Prophetissa Concionibus de B. M. Virgine serviens, Conciones Occurrentes & Funebres

Tylkowski, Wojciech

Oliva, 1686

In Circumcisione Domini.

[urn:nbn:de:hbz:466:1-51821](https://nbn-resolving.org/urn:nbn:de:hbz:466:1-51821)

est prudentia, non est consilium contra Dominum. Demum ad Herodem se vertit, ubi advertit ex tempore jam expleto venturi Messiae & miraculis, & illo usus. Apoc. 12. *Vidi draconem stantem ante mulierem, quae erat paritura, ut cum peperisset, filium ejus devoraret.* Erupit ergo Herodes ut bestia ex cavea, quae obvios quosque dicerpit, clamor undique tollitur Jer. 31. *Vox in Rama audita est, ploratus & ululatus multus.* Alii caesos deplorant, alii cavent vivos, sed Christo omnia vertuntur in testimonium quod ipse sit Messias. Cum David arcam deduxit 2. Reg. *Immolavit hostias & pacifica coram Domino.* Arca novi testamenti in mundum venit, procumbit grex immolarum tener. Cum populus in Aegypto salvaretur ab occisore Angelo, ungebantur postes sanguine. Num. 19. hic ingressus sanguine perfunditur, quia venit salus. Qui voluit occidere, dat Christo *fructus praecedentes, quos desideravit Michae 7.* Quem voluit perire fecit decantari Ps. 8. *Ex ore infantium & lactentium perfecisti laudem.* Rixit olim Herodem Isai. 16. *Ini consilium, pone quasi noctem umbram tuam in meridie.* Occultando intentionem tuam coram Magis. Tu Aegypto, *absconde fugientes, & vagos ne perdas, habitabunt apud te profugi mei.* Moab esto latibulum eorum a facie vastatoris *conculcatus est miser, defecit qui conculcabat terram.* Defecit, quia ad illustrandum Christum servierunt Herodis concilia. Leo serm. 1. de Epiph. *Ut dum Herodes atroci intentus facinori ignotum sibi indiscretam infantium caede persequitur, annunciatum caelitus dominatorum orum, insignior ubique fama loqueretur.*

In Circumcisione Domini.

Nomina quae à DEO imponuntur, omnino cum rebus conveniunt, sic Abraham Pater gentium, Joannes gratia, quia lex gratiae ab illo cepit. Noë, consolatio, mundum consolatus

solatus dum ex illo renovatur, Samuel impetrans, &c. Nomen JESU Christo à DEO impositum, quomodo ejus significatum in illo reliceat videamus. Cum DEUS veller Abrahamo benedicere, ex suo nomine illi addidit literam He ut qui ante vocabatur Abrahā vocaretur Abraham, Gen. 17. de quo Hieron. *Per quod ostendit non solum se bona impetraturum ei, sed etiam se ipsum.* Multo magis cum totum det Christo nomen, *Quod est supra omne nomen, ut in nomine JESU omne genu flectatur.* Hoc est nomen Divinum, proinde dedit illi totum quod ipse habet. Hoc verò nomen ad nos refertur, JESUS enim idem est quod *Salvator*, salvare vero nos respicit, igitur omnia quæ à Patre accepit in nostram salutem impendit, sapientiam in doctrina, omnipotentiam in miraculis. Ps. 22. *Deduxit me in semitas justitiæ, propter nomen suum.* Eutym. ita legit. *Propter hoc quod nomine DEI vocor tu in me DEUS beneficia congesit.* Quod Christiani vocemur quod ad JESUM spectemur. Sed ut nos salvet, opus agere quæ nomen hoc innuit. Hoc nomen à nobis exigit obedientiam erga DEI mandata, propter obedientiam enim Christo datum. Philip. 2. *Factus obediens, &c. Propter quod dedit illi nomen.* Isaas hoc nomen explicat, *accelera festina.* In primò instanti lux conceptionis statim se Patri obrulit ad faciendam obedientiam. Heb. 10. *Corpus obtulisti mihi, &c.* Cyril. Alex. legit, *perforasti.* Bern. cap. 3. de vite. *Foderunt Judei quod jam diu fuit perforatum.* Voluntate, scilicet, patiendi. Jam audi eundem serm. de discipulis Euntibus in Emaus. *Fortè aliquibus in morte apparuit Christus cum vexillo obedientiæ, & ineffabiliter exhilarat animam obediens in illa tribulatione. Ne timeas fili obedientiam, ne timeas intueri manus propter obedientiam cruci affixas, confidera pedes expositos fixuris clavorum, & latus lancea perforatum, attende quod propter obedientiam mortuus sum. Etsi propter fragilitatem conditionis humanæ obedientia tua sit minus aliquid perfectum habens*

habens, volo ut plenitudo mea obedientia, sit tuo minus sufficientis supplementum. E contra inobedientes excipiet ut quosdam idololatrias. Hieron. in quaest. Hebr. in. 2. Reg. *Jonathas in excelsis occisus est in Hebr. non habetur, est enim sensus. O Saul Jonathas in Excelsis tuis, in idololatria, id est in peccato inobedientiae occisus, subauditur, est, &c. Inobedientia namque tua pro idolis, id est excelsis, reputata est.* Requirit à nobis hoc nomen castitatem; datum enim est in circumcissione. Et ideo forte nomen suum DEUS aperuit Moyfi ex rubo mortificationis. Ideo nomen hoc cruci affixum, ut nostram carnem crucifigamus cum vitiis. S. Nilus in Asceticis Orat. 2. *Qui ventrem cibis explet, & se caste victurum profiteretur, similis est illi qui dicit, in stipula se flamma impetum freno cohibiturum.* Quid de turpibus cantilenis, de choreis? S. Ephrem lib. de vera poenitentia. *Ubi diaboli cantica, illic demonum requies, porro ubi choreae chorique perstrepunt, ibi virorum ac mulierum offuscario; ac diaboli celebritas est.* Requirit à nobis hoc nomen contemptum mundi, nudo enim & pauperi Christo impositum Greg. hom. 4. *Si quando reperimus ignis habitaculum absumit, quisquis ejus possessor extiterit rapit quod valuerit, & fugit, lucrum deputat si quid secum ex ignibus tollat. Ecce tribulationum flama mundum concremat, & cuncta quae in eo speciosa videntur finis jam proximus velut ignis devastat.* Requirit hoc nomen mansuetudinem Cant. 1. *Oleum effusum nomen tuum* Greg. in 1. Reg. 16. *Talis Rex ungitur, qui peccata per misericordiam dimittat non per austeritatem puniat.* Opus est corrigere errantem, sed ut Fratrem. *Si in te peccaverit Frater, &c.* Bernardin. *Frater est nomen amoris & charitatis.* Ne tu fias peior illum coërcendo, quam fuit ille peccando. Conchæ si supra illas sonet, abortiuntur nec pariunt unionem, ostende te bene sentire de Fratre ut & ille possit bene de te sentire, juva illum dum in te laborat ille cogitare Christum ut id cogitare facile possit, & ita facilius tibi ut Christo obtem-

B

obtem-

obtemperabit. Etiam pessimis mendicis in quibus ægre cogitamus Christum, difficilius largimur eleemosynam. Levit. 19. *Quicumque fuerit macularus leprâ habebit os veste coniectum.* Quia loqui eum ad correctionem non decet, quia ipse illâ eget. Gen. 4. Maledixit terræ, sed non aquæ, quia si aqua habuisset maculam, non fuisset apta ad eluendas in Baptismo maculas, ut ait Alcuin. Non mittit cum hamo, qui lacerat, Apostolos ad piscandum Christus, sed cum reti vivos conservat pisces. Non vis ut bestia tractari si erraveris, nec fratrem tuum sic tracta. Fugiant Medicum qui nescit curare nisi per visiones & ferrum, execrabilis verò est, si propter læsum digitum, totum amputet brachium. Vide quomodo Christus receperit peccatores, Magdalenam, latronem, Samaritanam, Prodigum, &c. 4. Reg. 4. Cum vadit Giezi cum baculo non excitat à mortuis puerum, sed cum Elifæus se ad ejus parvitatem contrahit, tum exurgit puer. Caveamus verò omnes qui Christiani dicimur, ne illud cadat in nos. Basil. Salevci orat. 19. *Quid gestas cognomen, quod personæ probro sit? factis appellationem impugnas, & calumniâ nomen tuum afficis?* Ne id eveniat sequere doctrinam Ambrosii. serm. 47. *Recte consortium meretur nominis, qui consortium meretur operis.* Oremus cum Procopio, qui in illud Isai. 64. *Ab initio nomen tuum super nos.* Ita scribit. *Nostri igitur miserere, quos nomen tuum exornat, hæreditas enim tua nuncupamur, id ergo nomini tuo largire, ut apud Gentes non blasphemetur.*

In Eadem Circumcisione.

Congruè hoc festum die 11. Jan. celebratur. Januarius dicitur à janua, quia est janua anni, ungitur hæc Janua sanguine ne Angelus interfectos noceat, ut Exod. 12. Alii volunt dici Januarium à DEO Jano, hic erat Noë, pingebatur cum facie